

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-955/21  
Sarajevo, 29.4.2021. godine

**Z A P I S N I K**  
**10. SJEDNICE DOMA NARODA PARLAMENTA FEDERACIJE BOSNE I**  
**HERCEGOVINE, održane 29.4.2021. godine**

Sjednica je počela sa radom u 12:21 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate, federalnu ministricu finansija i zamjenicu premijera Jelku Milićević i ostale predstavnike federalnih ministarstava i zavoda koji prisustvuju sjednici.

Izostanak sa sjednice su opravdali: Senad Ahmetović, Tomislav Mandić, Ilija Nakić, Anel Šahinović, Dževad Hadžić i Damir Marjanović.

Prema evidenciji Stručne službe sjednici prisustvuje 36 delegata što čini većinu pa Dom naroda može raditi i punovažno odlučivati.

Predsjedavajući je obavijestio delegate da su na Kolegiju razmatrani svi aspekti održavanja sjednice, te da u ime Kolegija postoji prijedlog da delegatska pitanja i inicijative delegati dostave u pismenom obliku umjesto usmenog izlaganja, kako bi se na taj način skratila rasprava a delegati ujedno mogli ostvariti cilj, odnosno dostaviti pitanja u pismenom obliku Stručnoj službi, koja će ih dalje proslijediti nadležnim institucijama.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu jer je za glasalo 39 delegata, a jedan je bio suzdržan.

Predsjedavajući je prije prelaska na dnevni red, predložio usvajanje Zapisnika sa 9. sjednice Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je sa 40 glasova za i jednim glasom protiv bez primjedbi usvojen Zapisnik sa 9. sjednice Doma naroda, održane 18.2. i 4.3. 2021. godine.

Potom se prešlo na utvrđivanje dnevnog reda.

Predsjedavajući je obavijestio delegate da je prijedlog Kolegija Doma naroda da se u dnevni red današnje sjednice kao tačka 11. razmatra Prijedlog odluke o prihvatanju

zaduženja po Ugovoru o zajmu između BiH i Europske Banke za obnovu i razvoj (EBRD) za realizaciju Projekta energetska efikasnost u javnim zgradama Sarajevo. Na osnovu rezultata glasanja predsjedavajući je konstatovao da je ovaj prijedlog dobio potrebnu većinu, sa 38 glasova za i dva suzdržana glasa.

Predsjedavajući je podsjetio delegate da je Vlada Federacije BiH dostavila Prijedlog zakona o stečaju sa prijedlogom da se razmatra po hitnom postupku, te stavio ovaj prijedlog na glasanje.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu sa 35 glasova za, jednim glasom protiv i četiri suzdržana.

Vlada Federacije BiH je također dostavila Prijedlog zakona o izmjenama Zakona o finansijskoj konsolidaciji privrednih društava u Federaciji BiH sa prijedlogom da se razmatra po skraćenom postupku.

Predsjedavajući je potom stavio ovaj prijedlog na glasanje.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu sa 36 glasova za, jednim glasom protiv i jednim suzdržanim.

Na osnovu rezultata glasanja, predsjedavajući je konstatovao da je Dom naroda Parlamenta Federacije sa 44 glasa za usvojio sljedeći

### **DNEVNI RED**

1. a) Informacija o epidemiološkoj situaciji COVID-19 u Federaciji Bosne i Hercegovine na dan 22.2.2021. godine s prijedlogom naredbi i preporuka Kriznog štaba Federalnog ministarstva zdravstva,
  - b) Informacija o epidemiološkoj situaciji COVID-19 u Federaciji Bosne i Hercegovine na dan 8.3.2021. godine s prijedlogom naredbi i preporuka Kriznog štaba Federalnog ministarstva zdravstva
  - c) Informacija o epidemiološkoj situaciji COVID-19 u Federaciji Bosne i Hercegovine na dan 22.3.2021. godine s prijedlogom naredbi i preporuka Kriznog štaba Federalnog ministarstva zdravstva
  - d) Informacija o epidemiološkoj situaciji COVID-19 u Federaciji Bosne i Hercegovine na dan 5.4.2021 s prijedlogom naredbi i preporuka Kriznog štaba Federalnog ministarstva zdravstva,
  - e) Informacija o epidemiološkoj situaciji COVID-19 u Federaciji Bosne i Hercegovine na dan 12.4.2021 s prijedlogom naredbi i preporuka Kriznog štaba Federalnog ministarstva zdravstva,
2. Prijedlog zakona o stečaju - hitni postupak,
3. Prijedlog zakona o izmjenama Zakona o finansijskoj konsolidaciji privrednih društava u Federaciji Bosne i Hercegovine – skraćeni postupak,

4. Prijedlog zakona o mirnom rješavanju radnih sporova,
  5. Nacrt zakona o organizacijama i reprezentativnim organizacijama osoba sa invaliditetom i civilnih žrtava rata,
  6. Nacrt zakona o izmjenama i dopunama Zakona o deviznom poslovanju,
  7. Nacrt zakona o izmjenama i dopunama Zakona o lizingu,
  8. Informacija o produženju važenja Srednjoročne strategije razvoja poljoprivrednog sektora u Federaciji Bosne i Hercegovine za period 2015. – 2020. godina do kraja 2021. godine,
  9. Prijedlog odluke o prihvatanju zaduženja po Sporazumu o kreditnoj liniji (makrofinansijska pomoć za Bosnu i Hercegovinu) između Europske unije (kao zajmodavca) i Bosne i Hercegovine (kao zajmoprimca) i Centralne banke Bosne i Hercegovine (kao agenta zajmoprimca),
  10. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta oporavka i podrške firmama,
  11. Prijedlog odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta energetska efikasnost u javnim zgradama Sarajevo,
  12. Prijedlog odluke o davanju saglasnosti na Rebalans finansijskog plana Zavoda za transfuzijsku medicinu Federacije Bosne i Hercegovine za 2020. godinu,
  13. Prijedlog odluke o davanju saglasnosti na Finansijski plan Zavoda za transfuzijsku medicinu Federacije Bosne i Hercegovine za 2021. godinu,
  14. Odluka o izdvajanju sredstava u Fond solidarnosti Federacije Bosne i Hercegovine za 2021. godinu.
- 
1. **a) Informacija o epidemiološkoj situaciji COVID-19 u Federaciji Bosne i Hercegovine na dan 22.2.2021. godine s prijedlogom naredbi i preporuka Kriznog štaba Federalnog ministarstva zdravstva,**  
**b) Informacija o epidemiološkoj situaciji COVID-19 u Federaciji Bosne i Hercegovine na dan 8.3.2021. godine s prijedlogom naredbi i preporuka Kriznog štaba Federalnog ministarstva zdravstva**  
**c) Informacija o epidemiološkoj situaciji COVID-19 u Federaciji Bosne i Hercegovine na dan 22.03.2021. godine s prijedlogom naredbi i preporuka Kriznog štaba Federalnog ministarstva zdravstva**

**d) Informacija o epidemiološkoj situaciji COVID-19 u Federaciji Bosne i Hercegovine na dan 5.4.2021 s prijedlogom naredbi i preporuka Kriznog štaba Federalnog ministarstva zdravstva,**

**e) Informacija o epidemiološkoj situaciji COVID-19 u Federaciji Bosne i Hercegovine na dan 12.4.2021 s prijedlogom naredbi i preporuka Kriznog štaba Federalnog ministarstva zdravstva.**

Informacije o epidemiološkoj situaciji je obrazložio Sanjin Musa, voditelj Službe za epidemiologiju Federalnog zavoda za javno zdravstvo i član Kriznog štaba Federalnog ministarstva zdravstva.

U raspravi su učestvovali Elmedin Konaković, Ivo Tadić, Aner Žuljević, Zvonko Marić, Tomislav Martinović, Damir Džeba, Senad Čeljo, Iva Raguž, Vibor Handžić, Goran Broćeta i Jasmin Duvnjak., pomoćnik ministra za pravna pitanja i EU integracije, Sanjin Musa i premijer Vlade Federacije BiH, Fadil Novalić.

Predsjedavajući je potom dao pauzu od 15 minuta.

Nakon pauze, predsjedavajući je konstatovao da je Dom naroda Parlamenta Federacije BiH primio k znanju Informaciju o epidemiološkoj situaciji COVID-19 u Federaciji Bosne i Hercegovine na dan 22.2., 8.03., 22.3., 5.4. i 12.4.2021. godine s prijedlogom naredbi i preporuka Kriznog štaba Federalnog ministarstva zdravstva.

Predsjedavajući je potom stavio na glasanje sljedeći:

### **ZAKLJUČAK**

1. Predlaže se Vladi Federacije BiH da, u saradnji i dogovoru sa kantonalnim vladama pristupi izradi zajedničkog pravnog akta koji će regulirati postupanje u smislu zaštitnih i drugih mjera na osnovu sedmodnevne incidence, na osnovu broja hospitaliziranih od infekcije COVID - 19 a sve u cilju efikasnijeg postupanja nadležnih tijela u trenutnoj epidemiološkoj situaciji.
2. Predlažemo Vijeću ministara Bosne i Hercegovine da izmijeni postojeću odluku koja se odnosi na prelazak granice Bosne i Hercegovine, odnosno ulazak stranih državljana u Bosnu i Hercegovinu na način da se omogući ulazak uz:
  1. Negativan PCR ili antigenski test ne stariji od 48 sati;
  2. Potvrdu da su prebolovali Covid -19 ne stariji od 6 mjeseci;
  3. Potvrdu o obavljenoj vakcinaciji protiv infekcije COVID - 19.
3. Zaključak stupa na snagu danom donošenja.

Na osnovu rezultata glasanja, predsjedavajući je konstatovao da je ovaj prijedlog Zaključka dobio potrebnu većinu, sa 34 glasa za i jednim suzdržanim.

## **2. Prijedlog zakona o stečaju - hitni postupak**

Prijedlog zakona utvrdila je Vlada Federacije BiH.

Predstavnički dom Parlamenta Federacije BiH obavijestio je Dom naroda da je na 18. sjednici održanoj 26.1.2021. godine usvojio Prijedlog zakona o stečaju s tri amandmana koje je Vlada Federacije BiH prihvatila pa su postali sastavni dio Prijedloga zakona.

Amandmani se odnose na član 71., član 18. i član 76. Prijedloga zakona.

Prijedlog zakona obrazložila je Mersiha Udovčić, predstavnica Federalnog ministarstva pravde.

U raspravi su učestvovali Damir Jurišić, Aner Žuljević, Zvonko Marić, Jasmin Duvnjak, Zdenka Džambas i Boris Krešić.

Predsjedavajući je potom stavio na glasanje Prijedlog zakona o stečaju.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 38 glasova za, jednim glasom protiv i jednim suzdržanim glasom usvojio Prijedlog zakona o stečaju.

## **3. Prijedlog zakona o izmjenama Zakona o finansijskoj konsolidaciji privrednih društava u Federaciji Bosne i Hercegovine - skraćeni postupak**

Prijedlog zakona utvrdila je Vlada Federacije BiH.

Predstavnički dom Parlamenta Federacije BiH je na 15. sjednici održanoj 15.10.2020. godine razmatrao i usvojio Prijedlog zakona o izmjenama Zakona o finansijskoj konsolidaciji privrednih društava u Federaciji Bosne i Hercegovine u tekstu kako ga je predložila Vlada Federacije BiH.

Prijedlog zakona su razmatrala nadležna radna tijela koja su dostavila svoje izvještaje.

Prijedlog zakona obrazložio je Marinko Bošnjak, pomoćnik ministra u Federalnom ministarstvu energije, rudarstva i industrije.

U raspravi su učestvovali Zdenka Džambas, Stipan Šarac, Ivo Tadić, Fahrudin Skopljak i Tomislav Martinović.

Predsjedavajući je potom stavio na glasanje ovaj Prijedlog zakona.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 34 glasa za, i jednim suzdržanim glasom usvojio Prijedlog zakona o izmjenama Zakona o finansijskoj konsolidaciji privrednih društava u Federaciji Bosne i Hercegovine.

#### **4. Prijedlog zakona o mirnom rješavanju radnih sporova**

Prijedlog zakona utvrdila je Vlada Federacije BiH.

Predstavnički dom Parlamenta Federacije BiH obavijestio je Dom naroda da je na 30. vanrednoj sjednici održanoj 20.6.2018. godine usvojio Prijedlog zakona o mirnom rješavanju radnih sporova u tekstu kako ga je predložila Vlada Federacije.

Prijedlog zakona su razmatrala nadležna radna tijela, koja su dostavila svoje izvještaje.

Prijedlog zakona obrazložio je Vesko Drljača, federalni ministar rada i socijalne politike.

U raspravi su učestvovali Boris Krešić i Vesko Drljača, federalni ministar rada i socijalne politike.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 39 glasova za i četiri suzdržana glasa usvojio Prijedlog zakona o mirnom rješavanju radnih sporova.

#### **5. Nacrt zakona o organizacijama i reprezentativnim organizacijama osoba sa invaliditetom i civilnih žrtava rata**

Nacrt Zakona utvrdila je Vlada Federacije BiH.

Predstavnički dom obavijestio je Dom naroda da je na 5. sjednici održanoj 24.9.2019. godine razmatrao Nacrt ovog zakona i Zaključkom ga prihvatio.

Nacrt zakona su razmatrala nadležna radna tijela, koja su dostavila svoje izvještaje.

Nacrt Zakona obrazložio je Vesko Drljača, federalni ministar rada i socijalne politike.

U raspravi su učestvovali Zdenka Džambas, Iva Raguž i Vesko Drljača, federalni ministar rada i socijalne politike.

Predsjedavajući je potom stavio na glasanje sljedeći:

## ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o organizacijama i reprezentativnim organizacijama osoba sa invaliditetom i civilnih žrtava rata i smatra da može poslužiti kao osnova za izradu Prijedloga zakona.
2. Zadužuje se predlagač da organizira i sprovede javnu raspravu u skladu sa procedurama predviđenim u Ustavu Federacije BiH za donošenje zakona iz zajedničke nadležnosti federalne vlasti i kantona u trajanju od 60 dana.
3. Zadužuje se Stručna služba Doma naroda Parlamenta Federacije BiH da ovaj Zaključak i Nacrt ovog zakona dostavi kantonalnim skupštinama radi davanja mišljenja u roku od 60 dana.
4. Zadužuje se predlagač da, prilikom izrade Prijedloga zakona, ima u vidu primjedbe, prijedloge i sugestije iznesene na sjednici Doma naroda i one iznesene u javnoj raspravi, mišljenja kantonalnih skupština kao i one koje su dostavljene ili će biti dostavljene u pisanoj formi.

Na osnovu rezultata glasanja predsjedavajući je konstatovao da je ovaj Zaključak dobio potrebnu većinu sa 36 glasova za, bez glasova protiv i bez suzdržanih.

### **6. Nacrt zakona o izmjenama i dopunama Zakona o deviznom poslovanju**

Nacrt zakona je utvrdila Vlada Federacije BiH.

Predstavnički dom obavijestio je Dom naroda da je na 29. vanrednoj sjednici razmatrao Nacrt zakona o izmjenama i dopunama Zakona o deviznom poslovanju i Zaključkom ga prihvatio.

Nacrt zakona razmatrala su i nadležna radna tijela i dostavila svoje izvještaje.

Nacrt zakona obrazložila je Maja Vanjek, viši stručni saradnik za devizni sistem i platni promet sa inostranstvom u Federalnom ministarstvu finansija.

U raspravi niko nije učestvovao.

Predsjedavajući je potom stavio na glasanje sljedeći:

### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt zakona o izmjenama i dopunama Zakona o deviznom poslovanju i smatra da može poslužiti kao osnov za izradu Prijedloga zakona.
2. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije koje će biti dostavljene u pisanoj formi.

Na osnovu rezultata glasanja predsjedavajući je konstatovao da je ovaj Zaključak dobio potrebnu većinu sa 35 glasova za i bez glasova i bez suzdržanih.

### **7. Nacrt zakona o izmjenama i dopunama Zakona o lizingu**

Nacrt zakona je utvrdila Vlada Federacije BiH.

Predstavnički dom je na 11. sjednici održanoj 19.2.2020. godine prihvatio Nacrt ovog zakona.

Nacrt zakona razmatrala su i nadležna radna tijela i dostavila svoje izvještaje.

Nacrt zakona obrazložila je Maja Vanjek, viši stručni saradnik za devizni sistem i platni promet sa inostranstvom u Federalnom ministarstvu finansija.

U raspravi niko nije učestvovao.

Predsjedavajući je potom stavio na glasanje sljedeći:

### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt zakona o izmjenama i dopunama Zakona o lizingu i smatra da može poslužiti kao osnov za izradu Prijedloga zakona.
2. Zadužuje se Vlada FBiH da prilikom izrade Prijedloga zakona ima u vidu primjedbe, prijedloge i sugestije koje će biti dostavljene u pisanoj formi.



Na osnovu rezultata glasanja predsjedavajući je konstatovao da je ovaj Zaključak dobio potrebnu većinu sa 34 glasa za.

#### **8. Informacija o produženju važenja Srednjoročne strategije razvoja poljoprivrednog sektora u Federaciji Bosne i Hercegovine za period 2015. - 2020. godina do kraja 2021. godine,**

Vlada FBiH je dostavila ovu Informaciju Domu naroda radi informiranja. Predstavnički dom je na 20. sjednici, održanoj 30.3.2021. godine, razmatrao i primio k znanju Informaciju o produženju važenja Srednjoročne strategije razvoja poljoprivrednog sektora u Federaciji Bosne i Hercegovine za period 2015. - 2020. godina do kraja 2021. godine.

Informaciju je razmatralo nadležno radno tijelo, koje je dostavilo svoj izvještaj.

Informaciju je obrazložio Beščo Alibegović, pomoćnik Federalnog ministra za poljoprivredu, vodoprivredu i šumarstvo.

U raspravi niko nije učestvovao.

Predsjedavajući je konstatovao da je Dom naroda Parlamenta Federacije BiH primio k znanju Informaciju o produženju važenja Srednjoročne strategije razvoja poljoprivrednog sektora u Federaciji Bosne i Hercegovine za period 2015. - 2020. godina do kraja 2021. godine.

#### **9. Prijedlog odluke o prihvatanju zaduženja po Sporazumu o kreditnoj liniji (makrofinansijska pomoć za Bosnu i Hercegovinu) između Europske unije (kao zajmodavca) i Bosne i Hercegovine (kao zajmoprimca) i Centralne banke Bosne i Hercegovine (kao agenta zajmoprimca)**

Prijedlog odluke dostavila je Vlada Federacije BiH.

Predstavnički dom je obavijestio Dom naroda da je na 18. sjednici, održanoj 2.2.2021. godine, donio Odluku o prihvatanju zaduženja po Sporazumu o kreditnoj liniji (makrofinansijska pomoć za Bosnu i Hercegovinu) između Europske unije (kao zajmodavca) i Bosne i Hercegovine (kao zajmoprimca) i Centralne banke Bosne i Hercegovine (kao agenta zajmoprimca).

Prijedlog Odluke obrazložio je Vedad Nezirić, šef Odsjeka za zaduživanje i koordinaciju sredstava za razvoj u Federalnom ministarstvu finansija.

U raspravi niko nije učestvovao.

Na osnovu rezultata glasanja, predsjedavajući je konstatovao da je ova Odluka dobila potrebnu većinu sa 33 glasa za, bez suzdržanih i bez glasova protiv.

#### **10. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta oporavka i podrške firmama**

Prijedlog odluke utvrdila je Vlada Federacije BiH.

Predstavnički dom je u nastavku 18. sjednice održane 2.2.2021. donio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta oporavka i podrške firmama.

Prijedlog odluke obrazložio je Vedad Nezirić, šef Odsjeka za zaduživanje i koordinaciju sredstava za razvoj u Federalnom ministarstvu finansija.

U raspravi niko nije učestvovao.

Na osnovu rezultata glasanja, predsjedavajući je konstatovao da je ova Odluka dobila potrebnu većinu sa 32 glasa za, bez suzdržanih i bez glasova protiv.

#### **Prijedlog odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta energetska efikasnost u javnim zgradama Sarajevo**

Prijedlog odluke je utvrdila Vlada Federacije.

Predstavnički dom obavijestio je Dom naroda da je na 15. sjednici, održanoj 15.10.2020.godine, donio Odluku o prihvatanju zaduženja po Ugovoru o zajmu između BiH i Europske banke za obnovu i razvoj (EBRD) za realizaciju Projekta energetska efikasnost u javnim zgradama Sarajeva.

Prijedloga odluke razmatrala su nadležna radna tijela.

Prijedlog odluke je obrazložio je Vedad Nezirić, predstavnik Vlade FBiH.

U raspravi niko nije učestvovao.

Na osnovu rezultata glasanja predsjedavajući je konstatovao da je ova Odluka donijeta sa 34 glasa za, bez glasova protiv i bez suzdržanih.

**12. Prijedlog odluke o davanju saglasnosti na Rebalans finansijskog plana Zavoda za transfuzijsku medicinu Federacije Bosne i Hercegovine za 2020. godinu,**

**13. Prijedlog odluke o davanju saglasnosti na Finansijski plan Zavoda za transfuzijsku medicinu Federacije Bosne i Hercegovine za 2021. godinu**

Predsjedavajući je predložio da se o ove dvije tačke vodi objedinjena rasprava, a da se delegati posebno izjašnjavaju za svaku tačku, što su delegati prihvatili.

Prijedlog ovih odluka obrazložila je Aida Đozo, direktorica Zavoda za transfuzijsku medicinu FBiH.

U raspravi su učestvovali Zvonko Marić, Jasmin Duvnjak, Segmedina Srna-Bajramović i Tomislav Martinović i Aida Đozo.

Predsjedavajući je potom stavio na glasanje Prijedlog odluke o davanju saglasnosti na Rebalans finansijskog plana Zavoda za transfuzijsku medicinu Federacije Bosne i Hercegovine za 2020. godinu.

Na osnovu rezultata glasanja predsjedavajući je konstatovao da je ovaj Prijedlog odluke dobio potrebnu većinu sa 35 glasova za, bez glasova protiv i bez suzdržanih.

Predsjedavajući je nakon toga stavio na glasanje Prijedlog odluke o davanju saglasnosti na Finansijski plan Zavoda za transfuzijsku medicinu Federacije Bosne i Hercegovine za 2021. godinu.

Na osnovu rezultata glasanja predsjedavajući je konstatovao da je ovaj Prijedlog odluke dobio potrebnu većinu sa 35 glasova za, bez glasova protiv i bez suzdržanih.

Predsjedavajući je nakon toga stavio na glasanje Prijedlog zaključka predsjednika Kluba delegata bošnjačkog naroda:

### **ZAKLJUČAK**

Dom naroda Parlamenta FBiH traži od Vlade FBiH da prilikom izrade rebalansa Budžeta FBiH za 2021. godinu osigura dodatna finansijska sredstva Zavodu za transfuzijsku medicinu FBiH za nabavku opreme a u skladu sa Zaključkom Doma naroda, broj: 02-11-1093/20 od 15.10.2020. godine a kojeg Vlada Federacije nije realizirala.

Na osnovu rezultata glasanja ovaj zaključak je dobio potrebnu većinu sa 35 glasova za, bez glasova protiv i bez suzdržanih.

#### **14.Odluka o izdvajanju sredstava u Fond solidarnosti Federacije Bosne i Hercegovine za 2021. godinu**

Vlada FBiH dostavila je ovu Odluku Domu narodu radi informiranja.

Predstavnički dom je obavijestio Dom naroda da je na 20. sjednici održanoj 30.3.2021. godine razmotrio i primio k znanju ovu Odluku.

Odluku je obrazložila Zilha Ademaj, zamjenica direktorice Federalnog zavoda zdravstvenog osiguranja i reosiguranja u FBiH.

U raspravi niko nije učestvovao.

Predsjedavajući je konstatovao da je Dom naroda primio k znanju Odluku o izdvajanju sredstava u Fond solidarnosti Federacije Bosne i Hercegovine za 2021.godinu.

Sjednica je završila sa radom u 17:05 sati.

\* \* \*

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆI

Tomislav Martinović